

# हिलूरललई

## डरलंदकलसलड कलथी

आव कलथी डरडेशुवरण ओडडलतलव डहूदीरललई डरलंदकलसलड ङ। खलली डरलंदकलङुडलव डलण उडलन कलनुल ङ डलरैःण। नु डहूदीर डरडेशुवरण ओडडल कडनै डलडलथ-रैवनी सुनुु डरडेशुवरण उडलनतलव दुखर डलदैवनी रूवल रूवलर ओलुद डलव डलडैङुडलव (हलडू ३ः१२; १०ः३२-३६)। है ङैद आव कलथील डरडेशुवरण ओडडललई रलसुद ओलुद डलनुडल डनै ओछकलस लुडु सरैःसलड ललङुडल (२ः१-३; ३ः१२-१४)। डुरू डुं सुहुडुद थरुद डरडेशुवरण उडुंललव डलतलव छैव तलनुडल खलडु तलके (६ः११-१२; १२ः१२,१४)। डरडेशुवरण डेडुरडु डेसु खुरीसनी सलःरु डलकल ओनैवण (८ः१-१३; ६ः१५), डेसु खरुक ङ डलखेडुनुडल डुरधलन डुङलरी तलद डरडेशुवरस सखैनुडल तुडलल डेन ओदैव ड सरैःसलड ललङुडल (४ः१४-५ः१०; १३ः२०)। डलःकलव कलनुननलकलव कलन डरी सलकु ओकुडुडु डलतलद छीनीकलव हुनुडल डलण ओसलं वलङु ओलुडु (८ः५-६; १०ः१)। डरडेशुवरण सलकु ओडडलं ते डेसुण ओडेननी ङ सरैःसलड ललङुडल (३ः१-६)।

डरडेशुवर डेस ओङुडलनी ङ डलङुडल

१ डलःड डरडेशुवरण अडडडकुतलरलण डलडलःनी डेसलखल डुरुखलरलस डुरी डललल ङ डुरलडु कलसलडनी डलं ङ उललङुडलव। २ आङुडलल ते डुरी डरडेशुवर डेस ओल ओङुडलनी ङ

डलङुडल। डरडेशुवरण नलड नड ड नु ओङुडलनी ङ ङैकुडु, सुनुु नलललव तलव डरी ड ओङुडलण उकुडुत डलनुडल ङलदलकलन ङ थरुद ओनैङुडलव। ३ नलड नड सुनुु नलललव तलव डरी ओङुडलण ओसकुतुीललव डलंनी वलङु रलहलङुडलर। डरडेशुवरण अकडुडलललव ओसकुतुी

सोनो ओज़गै ओज़ाए ओक्याँत ज़  
रैःज़्या। ओगे ब होए ओक्याँत ज़  
चबनै सतैसिउ लिज़्या। मिँराए यादोव  
पापए सजा ब ओल ज़ घुर्सिद फोःद  
ओरायोए स्वर्गत माहान परमेस्वरए  
ओवोर्दा चुसिद ले। ४ है जैद ख्रीस  
परमेस्वरए ओचाकज्याराकिन ब  
घेप्पा ज़ थोरिके। हिताव ज़ नोराकिन  
घेप्पा मिन ब दैक्यो।

५ डादा धर्मसास्त्रल ओज़ाए उजूनी  
इताव सर्सिउ लिज़्या,

“नँ डाज़ा ज़,  
आछिम ज़ नँलाई डाजमैनिके।”

फरी तोथोल,

“डा ओबाबु तान्या डाले,  
नो डाज़ा तान्या ले।”

निताव पाँर ओचाकज्यारालाई ते  
खर्क ज़ है मारादोव। ६ परमेस्वरए  
उसंकताव जर्मिउ ओज़ालाई आव  
मानुवाल उपरीक,

“डाचाकज्या भरिए आवए  
ओसेवा ओदोरक,”  
है लिके। ७ परमेस्वरए ओचाकज्या-  
रालाई ते,

“जे डाय़ेन दान्यात कैताक बतास  
स्यासो जेलिज़्या,  
कैताक मेंः स्यासो जेलिज़्या,”

है वाज़ यादोज्याव। ८ ओज़ाए उजूनी  
भन्या धर्मसास्त्रल इताव सर्सिउ  
लिज़्या,

“अ परमेस्वर, नँ नराज्या खर्क ज़  
मान्या खेमन्या माले।

नराज्या ब न्यायस ज़ नचलैज़्या।

९ नयुँ छैव सोनो सोजो येनत वाज़  
लिज़्या,

मादान्या येन भरिलाई नसोज्या।

है जैद नपरमेस्वरए ननैराकिन बनै  
कुधु ज़ नयुँ होलाँ जैदिक्यो।”

१० फरी तोथोल ओज़ाए उजूनी इताव  
ब सर्सिउ लिज़्या,

“अ प्रभु, भाःड आव नाम  
नँ ज़ नजैके।

सोनो नमलाई ब

नँ नकुइए ज़ नजैके।

११ नजैव भरी ते खेमन्या लेर,

खाली नँ ते एकमन्या लिन्या नले।

पुराँदो क्वा उचिस्ज़्याव मिताव

नजैव भरी ब तछा चिस्न्या ले।

१२ नाम नमलाई बर्की माँःती

रूलन्या नले।

मिँए ओक्वा ओतोज़्याव मिताव

तछा नोनिलाई तोन्या नले।

खाली नँ ते खर्क ज़

तोसिन्या नमाले।

नजुनी ब खर्क ज़ खेमन्या माले।”  
 १३ फरी तोथोल इताव ब लिज़्या,  
 “नसुतुररालाई नखँ धूँल  
 भाःद डामाईवा पै,  
 डावोर्दा चुसिद लिन्के।”

निताव पाँ ओचाकज्यारालाई ते खर्क  
 ज़ है मारादोव। १४ नोर ते ओयेन  
 दाज़्याव पुरूसर वाज़ ची। नोरालाई  
 परमेस्वरए अजम्बरी जुनी दैन्या थःरैद  
 ओरानैज़्यावरालाई सघैन्याए जूनी  
 आदा होदा यापरींज़्याव।

### परमेस्वरए ओपाँत धिद लिन्या

२ है जैद गे गेथैज़्याव परमेस्वरए  
 ओपाँत भन ज़ धिद ल्यो ताके,  
 मानी तँदा बान्या ओछ्यास लिज़्या।  
 २ परमेस्वरए मिँरालाई ओचाकज्यारानी  
 ओरायो कानुन थःरिउ ओतावए नो  
 कानुनलाव पाँ मादाद याख्यावनी  
 सजा ब दैकेर। ३ गे भन प्रभुनिकाव  
 नाःल्दिउ बाँचैन्या पाँ गेमाभैःकिन  
 कातानी ची नो ओसजानी उस्किउ  
 गेदैरिज़्याव? नो पाँ डादा गेप्रभुए ओल  
 ज़ ओरासथैज़्याव। हाःकिन गे फरी  
 नो पाँ भरी ओलसकाव लिज़्यावराए  
 ल्योनी गेदैके। ४ परमेस्वरए फरी नोराए  
 यापाँ थःरैदचान्याए जूनी अचम्बलाव  
 ओयेनर दाव परींद ओसरेसर सतैंद

याएक्यो। सोनो छैँव पुरूसनिकाव  
 बरदानर ब ओल ओपैँज़्याव मितावनी  
 भाःद याएक्यो।

### परमेस्वरए ओराज्या ओज़ाए उकुइत याद नैव

५ गे नो हरिज़्या है गेलिज़्याव  
 परमेस्वरए ओराज्या ओल  
 ओचाकज्याराए याकुइत ते नैद  
 मारायो। ६ धर्मसास्त्रल ब तोबोए अइ  
 लिद सर्द नैव,

“अ परमेस्वर,  
 मिँ काता ची उलिज़्यावदा?  
 मिँलाई काराव नमामेंःधुज़्याव?  
 नोलाई काराव नचेतैज़्याव?  
 ७ नँ जाँवा पै नमताव  
 नचाकज्याराकिन मिँलाई  
 जिम्ज़ा नजैके।  
 फरी नो मिँलाई ज़ सघ्योःद  
 बनै ओमान ल्यो नजैके।  
 ८ ताव भरी ब होए उधूँल ज़  
 जैद नएके।”

परमेस्वरए नो मिँलाई प्राई उकुइत  
 ओयोए ओल उधूँल माल्यो काता  
 ज़ माले। खाली गे ज़ गेसैँज़्या, नाम  
 नमलाव तावर मिँराए धूँल मातातावर  
 कुधु ज़ लिज़्यार। ९ नो धर्मसास्त्रलाव  
 पाँ भरी येसुए ओक्याँत वाज़ थःरिउ

लिङ्ग्या। आव मानुवाताव मिंराए जूनी परमेस्वरए उयुं ओनावए नो सिन्याक पै सज़िम्सिद हुके। परमेस्वरए ओचाकज्याराकिन जाँवा पै सज़िम्सिउ नो ज़ लिङ्ग्या। मिंराए जूनी उजिउ भाःद ओरायोनी परमेस्वरए सघ्योःद बनै ओमान ल्यो ओजैव ब नोलाई ज़।

### परमेस्वरए ओज़ा मिं ज़ मिन्सिके

१० ताव भरी ओल उजूनी ओल ज़ जैङ्ग्याव परमेस्वरए गे मिंरालाई ओज़ार जैद ओज़गैल रैन्या पैक्यो। है जैद गे प्राइंलाई बाँचैन्याए जूनी ओज़ा येसुलाई मिंराए यादैङ्ग्याव मिताव दुखर सहिउ परीन्या ज़्यासो लिङ्ग्या लिन्या थःरैक्यो। ११ गेलाई परमेस्वरए उयुंलाव मिताव छेंवर जैद ओबाबुस सखैङ्ग्याव येसुस तोबोए ओथोर ज़ गेताङ्ग्या। है जैद गेलाई 'डाभाइर' है दान्या ओलाज माहुइ। १२ नोए उजूनी धर्मसास्त्रल इताव सर्सिउ लिङ्ग्या,

“अ परमेस्वर, डा डाभाइरालाई नमिन सथैन्या डाले।

नोराए याखार्ल

नमिन सघ्योःदचान्या गितर गैन्या डाले।”

१३ फरी तोथोल,

“डा परमेस्वरए ओक्याँत

ख्यासिद लिन्या डाले”

सोनो,

“परमेस्वरए डापासल भाःद ओयाँव ओज़ारास ज़ डालिङ्ग्या।”

१४ परमेस्वरए ओज़ार मिंर तान्या ओतावए ओल ओज़ा येसु मनी नोराए जूनी मिं ज़ मिन्सिद सिके। नितावनी ज़ सिन्या सजाल भाःङ्ग्याव सैतानए ओहक ख्यादिक्यो। १५ सोनो, सिन्या ताया लिद छेःद याजिउ भरी दुखस लिङ्ग्यावरालाई ब यापलेक्यो।

१६ येसु परमेस्वरए ओचाकज्यारालाई माःक, अब्राहामए ओथोरालाई सघैना उहुव ची। १७ है जैद उयुं ग्राल्द गे मिंराए गेपापए सजा फोःदचाद परमेस्वरस सखैन्याए जूनी प्रधान पुजारी जैसिद गेजूनी परमेस्वरस पाँदचान्याए जूनी ओल येसु प्राइंल ज़ गे मिं स्यासो ताव ज़ उपरिङ्ग्याव। १८ ओल ब प्राइं दुखर दार्द जाँचिसिद उथःरिउनी वाज़ गे मिंरालाई गेयुंए बलेःद माचावल ओपारैसिङ्ग्याव भरिल जोगोइव धुव।

येसु मोसाकिन घेप्पा ज़

३ है जैद परमेस्वरए उमिनताव खुल्सिउ गेनै गेमैर, परमेस्वरए

परींद ओयासिउ प्रधान पुजारी  
 येसुलाई चिऊव ताके। २किताव  
 मोसाए उजिउ भरी परमेस्वरए  
 उफिमल सतस ओदोव, हिताव ज़  
 येसुए ब परमेस्वरए दोव उपरीव  
 येनलाई सतस ज़ दाद सयोःक्यो।  
 ३किताव जैसिउ फिमकिन जैज़्याव  
 मिं घेप्पा ताज़्या, हिताव ज़ मोसाकिन  
 येसुए उमिन घेप्पाल गनिसिउ लिज़्या।  
 ४तोबोमा तोबोए ते फिम जैज़्याव।  
 हैदी ब प्राइं जैज़्याव ते परमेस्वर ज़।  
 ५मोसाए परमेस्वरए उफिमलाव येन  
 सतस ओदोदी ब होए ओयेन नोकोर  
 येन वाज़ ओल्यो। होए ओपांज़्याव  
 ओदोज़्याव भरी ब जाँकोसै छीनी-  
 काव तान्या पाँए ओसाची वाज़  
 ओल्यो। ६खीस ते ओबाबु परमेस्वरए  
 ओबताहा दैन्या फिमए ओर्गे मिताव  
 ज़ लिज़्या। गे मनी होए उफिमलावर  
 ज़ गेलिज़्या। खाली गेयुं गेसुहुबोलाई  
 मारास्द आस दाद गेनेज़्याव  
 ओमायोःवा पै थ०रिद गेलिकिन वाज़  
 गेताज़्या।

ओज़ाए ओपाँ गेमाभैःकिन  
 ओछ्यास लिज़्या

७है जैद छैव पुरूसए ओपाँव पाँ  
 आव ज़,

“आछिम परमेस्वरए ओपाँ  
 जेथैकिन,  
 ८जेजिज्यु बाज्युर बनल  
 परमेस्वरकिन तँदा याजैसिउ  
 मिताव,  
 जे जेयुं खाव ताजैच्यो।  
 ९हो बेलाक चालीस बर्स पै  
 अचम्ब अचम्बलाव डाय़ेनर  
 यारँःज़्यावत ब  
 डानाल केःदचाँकेर।  
 १०है जैद डा नोरास डारिस चोद  
 अइ ब डालिके,  
 ‘आवराए यायुं ते एकतार  
 तँदा वाज़ लिज़्या।  
 डाल्योदा हुन्या युं दो ज़ मादोर।’  
 ११है जैद डारिसए इताव किज्या ब  
 डाभाःके,  
 ‘स० होलाँ तान्या पोल खर्क ज़  
 केसो दैन्या मालेर।’ ”  
 १२है जैद गेनै गेमैर, जोगोइसिद  
 लिच्यो, मानी जेनी ख्वा ख्वार जेयुं  
 माहुपद जेयुंए बलेःद जींदो परमेस्वरए  
 ल्योनी पुलुस्द बान्या ओछ्यास  
 लिज़्या। १३बेला उलिज़्याक ज़ जे  
 जेल सुए जेयुं ब पापए भुकैद बलेसो  
 ताताक लिद एकमन्या ज़ अर्थैसिच्यो।  
 १४गेयुं हुपद गेथूसिउलाई मारास्द  
 छींड पै थ०रिद गेलिकिन परमेस्वरए



ओराज्यालाव बताहा ख्रीसस सिप ज़  
दैन्या गेले। १५नो धर्मसास्त्रलाव है  
लिसिउ पाँ तामें:च्यो। नो पाँ आव ज़,  
“आछिम परमेस्वरए ओपाँ  
जेथैकिन,  
जेजिज्यु बाज्युर परमेस्वरकिन  
तँदा याजैसिउ मिताव,  
जे जेयुँ खाव ताजैच्यो।”

१६नो ड़ादा परमेस्वरए ओपाँ थैद  
मनी ओलकिन तँदा जैसिज्यावर  
मोसाए इजिप देसनी ओरापले·वर  
ज़। १७नो चालीस बर्स भरिलाव  
परमेस्वरए उरिस चोवर ब नोर ज़।  
है जैद यादोव पापए चालीस बर्स  
भरिल नो बनल ज़ सोतोय्यान ताकेर।  
१८‘नो स० होलाँ दाव पोड बाव दैन्या  
जेमाले’ है ओरादोव ब नो ओपाँ  
मादोज्यावरालाई ज़। १९है जैद ननी ज़  
गेसैज्या, ओललाई यायुँ ओमाहुबोए  
चाव पोल बाव मादैकेर।

### परमेस्वरए ल्योदा बान्या मौका छुपिन्या

४ है जैद जोगोइसिद ल्यो ताके,  
नो स० होलाँ तान्या पोल  
पसिन्या मौका गेलाई परमेस्वरए याद  
नैसिउ। नो मौका छुपिउ ताके, मानी  
गे ब पसिधुन्या गेमाले। २मोसाए

ओपालाकाव मिँराए परमेस्वरए  
ओपाँ याथैव मिताव गे ब थैव ज़  
गेनैज्या। खाली नोराए ओपाँ थैद  
ब यायुँ ओमाहुबोए नो पाँ नोरालाई  
अनाकलाव ज़ ताके। ३ओललाई  
यायुँ हुबोर वाज़ नो स० होलाँ तान्या  
पोल पसिज्यार। यायुँ माहुबोराए जूनी  
ते ओल परमेस्वरए ज़ है लिद ले,

“डारिसए इताव किज्या ब  
डाभा:के,

‘स० होलाँ तान्या पोल खर्क ज़  
केसो दैन्या मालेर।’ ”

हैदी ब गे मिँरालाई तोबो स० होलाँ  
तान्या पो नाम नमलाव ओयेन  
ओखेमो छचामकिन ज़ उलिज्याव।

४धर्मसास्त्रल ब नासिन्या छचामए  
जूनी तोथोल अइ लिद सर्सिउ लिज्या,

“परमेस्वरए नाम नमलाव ओयेन  
भरी ओखेमोत

सात दिनलाव छचाम नासिके।”

५खाली ड़ादाडाव है गेलिज्याव  
मिताव धर्मसास्त्रल इताव सर्सिउ  
लिज्या, “स० होलाँ तान्या पोल खर्क  
ज़ केसो दैन्या मालेर।”

६हैदी ब नो पोल पसिन्यार लिज्यार  
ज़। खाली नो भा:काव मिँराए ओपाँ  
थैद ब यामादोवए पसिउ मादैकेर। ७है  
जैद नोराकिन कुधु छींङ परमेस्वरए



दाऊद राजाए ओयाःनी गेलाई ब तोबो मौका जैदद्यासिक्यो। नोए ओपाँ आव ज़,

“आछिम परमेस्वरए ओपाँ जेथैकिन,  
जे जेयुँ खाव ताजैच्यो।”

८यहोसूए इस्राएलीरालाई परमेस्वरए य़ाका ओरायो देसल ओरासकेस्क नो स० होलाँ तान्या पोल पसिन्या मौका भरी ओखेमो ताकिन परमेस्वरए छीनी गेलाई निताव पाँ है दान्या ओमाल्यो। ९है जैद परमेस्वरए उमीं ताज़्याव भरिरालाई स० होलाँ तान्या पो नैसिउ ज़ लिज़्या। १०जो मिँ नो पोल केस्ज़्या, किताव परमेस्वरए ओयेन भरी खेम्द ओन्नासिउ, हिताव ज़ नो मिँ ब ओयेनरानी ओर्सार नैज़्याव। ११है जैद गे नो स० होलाँ तान्या पोल बान्यादा युँ थू जैव ताके। डादाडाव ओपाँ मादोज़्यावर यामापसिधुज़्याव मिताव ताताक।

१२परमेस्वरए ओपाँ बनै ओसक्ती ल्यो स़ोनो येन दावका दाव ज़ लिज़्या। नो पाँ आनी हुनी ओधार ल्यो तरवालीकिन ब छाव ओतावए मिँए युँल पसिद क्याँ भरिल सरालिसिद युँलाव पाँ स़ोनो बुद्धी भरी ब सरसाप खिम्द जाँचिज़्याव। १३स़ोनो

परमेस्वरए ओराजैव भरिल ओल ओमारँःव मोंसिउ काता ज़ माले। परमेस्वरए ओड़ाक प्राइँ ज़ फैसिउ लिज़्या। गेयेन भरी ब तछा ओललाई है दाव ज़ परिज़्या।

### प्रधान पुजारी येसु

१४है जैद परमेस्वरए ओज़ा प्राइँरानी घेप्पा गेप्रधान पुजारी येसु आव नामनी गेजूँनी स्वर्गत परमेस्वरए ओड़ाक ओबावए नो गेयुँ हुबो पाँलाई मारास्द ज़ थ०रिद ल्यो ताके। १५गे गेप्रधान पुजारीए गेदुखर रँःद उयुँ ओमानाज़्याव ते माःक। ओल ब गे गेदैज़्याव मिताव दुखरानी जाँचिसिके। खाली ओजाँचि-सिदी ब पाप ते मादोव। १६हो मिताव ज़ गे ब उयुँ य़ालो परमेस्वरए ल्योक माछेःद ज़ बाव ताके। हो ताकिन ची डादाडाव गेबलेःव येनर ब उयुँ नाद रास्न्या ले। फरी खाँचो ओताव बेलाक ब सघैन्या ले।

### येसु कानुननिकाव पुजारी स्यासो

५ प्रधान पुजारीर ब परमेस्वरए ओड़ाक मिँराए खार्नी त्याला येन दान्यात खतैसिउर ताज़्यार। नोराए मिँराए यादोव पापए जूँनी पुजार दादद्याद परमेस्वरस यारासखैज़्यार।

२मिँनिकाव पुजारीराए मिँराए यादै-  
ज्याव दुखर या ब यादैवए, छुत  
बिरैज्याव मिँलाई परमेस्वरस सखैन्या  
खोरोनी माःक, चावनी ज़ दोज्यार।  
३है जैद नो पुजारीराए छुत मिँराए जूँनी  
परमेस्वरस सखैन्या पुजा यादोक या  
याजूँनी ब दाव ज़ परिके।

४फरी नोर यानी प्रधान पुजारी  
याजैसिउ ते माःक। किताव हारूनए  
उस०कताव पुजारी येन परमेस्वरनी  
ओदैव, हिताव ज़ पुजारी येन दैव  
भरिए परमेस्वरनी ज़ दैहुकेर। ५हिताव  
ज़ ख्रीस ब प्रधान पुजारी ओलनी  
सघ्योःसिद ओताव ते माःक। नोलाई,

“नँ डाज़ा ज़,  
आछिम ज़ नँलाई डाजमैँनिके,”  
है दाज्याव परमेस्वरए ज़ जैक्यो।  
६फरी होए उजूँनी तोथोल अइ लिद ब  
सर्सिउ लिज्या,

“नँ मल्कीसेदेकए ओदैव मिताव  
पुजारी येन नदैरिज्या।

नँ खर्क ज़ माखेन्या पुजारी  
नतारिज्या।”

७येसु ख्रीस मानुवात उलिज्याव  
बेलाक ओललाई सिउनी जागैधुज्याव  
परमेस्वरलाई उयुँर स्यासे सतेद धो  
थाइव ताद घरे घरे पोंखारिक्यो।  
उजिउ भरी परमेस्वरए उयुँलाव मिताव

भरी सयोःद ओयोए परमेस्वरए ओपाँ  
भरी थैदिक्यो। ८येसु परमेस्वरए ओज़ा  
ओतादी ब ओल ब उसहिउ दुखरानी  
ज़ परमेस्वरए उयुँलाव मिताव येनर  
माबिरैद ज़ दान्या सिऊसिके। ९हो  
भरिल प्राइँनी उथ०रिउए परमेस्वरए  
गे ओपाँत बाज्याव भरिरालाई  
अजम्बरी जुनी दैन्या ओज़ा येसुनी  
ज़ जैदचासिक्यो। १०मल्कीसेदेकए  
ओदोज्याव मिताव येन दान्याए जूँनी  
परमेस्वरए नोलाई प्रधान पुजारी ब  
जैदचासिक्यो।

### आःपै थालनलाव पाँत जेलिज्या

११नोए उजूँनी जेलाई है दान्या पाँर  
कुधु ज़ लिज्या। खाली जे चावस  
थैन्या युँ जेमादोवए नो भरी जेलाई  
धो पलासो ताज्या। १२आः भरी जे ते  
छुतरालाई पैन्याकावर ताव परिन्या।  
कै जैद जेलाई भन आःपै परमेस्वरए  
ओपाँताव ओथालन पैन्या मिँर  
ओचाहिज्याव? जे आःपै नुइँ ओन्या  
भाउज़ा स्यासोर ज़ जेलिज्या। जे ज्याव  
ज्यान्या स्यासोर खर्क तान्या? १३नुइँए  
ओडाज्याव मिँ ते धर्मलाव पाँ चावस  
माथःरैधुज्याव भाउज़ा स्यासो ज़  
लिज्या। १४तनो ज्याव ते परमेस्वरए  
ओपाँत ओगहक ल्योलाई ज़।



नोए ओक्याँत परिउ भरित परमेस्वरए ओपाँदा उयुँ थू जैद पाखो ओतावए ओल दान्या मादान्या येन छुतैज्याव।

थालनलाव पाँराकिन डाकसै बान्या

६ है जैद गे ख्रीसए ओपाँताव ओथालनलाव पाँराकिन जाँ डाकसै बाद पाखो ताव ताके। नो थालनलाव पाँर आवर ज़ — सिन्या सजादा लाँज्याव येनलाई रास्द परमेस्वरलाई युँ सुहुण्या, २सछैँसिन्या, सुवाराए क्याँत कुइ नैद पोखारिन्या, सिउनी सोवत ख्वाराए खर्क ज़ माखेम्या सजा दैन्या, ख्वाराए अजम्बरी जुनी दैन्या। ३परमेस्वरए ओसघैसिकिन नो पाँराकिन जाँ डादा बान्या गेले।

४डादा परमेस्वरए ओपाँत तखेप बनै सैन्या ताव मिँ स्वर्गताव असिकर सोनो छैँव पुरूस ब दैद, ५उयुँल परमेस्वरए ओपाँ चाव ज़ ओल्यो लिन्या थ-रैद परमेस्वरए ओराज्यालाव अचम्बलाव सक्तीर ओदार्दी ब, ६छींनी नो मिँ परमेस्वरए ओपाँलाई सोद ओरास्किन नो मिँलाई फरी सोवोल्द मारैसिधुइ। नो मिँए फरी ब परमेस्वरए ओज़ालाई कुसत तङ्गैद बीज्यात ओजैव मिताव ज़ लिज्या।

७हिताव ज़ ँःए ब परमेस्वरए ओसवाज्याव री दैद नलाव येन दाज्यावलाई चाव चाव सैर सपरीद ओएकिन नो ँः परमेस्वरए ओअसिक धूँल उलिज्याव मिताव ज़ लिज्या। ८खाली नो ँःए ज़ुर रमर ओसपरीकिन नो ँः काम मालागिउ ताद परमेस्वरए ओसराप धूँलाव मिताव ज़ लिज्या। निताव ँः मेंःए ओज्यास वाज़ ताज्या।

जेथूसिउ येनत मातेन्सिद कलँ ल्यो ताके

९अ गेयुँलाव गेनेँ गेमेँर, जेलाई इताव ख्यो-न्या मिताव पाँर है गेदाचिदी ब, जे अजम्बरी जुनी दैन्यावाकावर ताद जेलिज्याव मिताव गेडम्सिज्या। १०जे डादाकिन ज़ परमेस्वरए उमिनत लिज्यावरालाई जेरासमारिहुज्यावए परमेस्वरए ल्योदा जेयुँ थू जैद जेनेँज्याव ननी ज़ रैःज्या। परमेस्वर अन्याय मादान्या ओतावए नो जेयेनलाई मामेंःव। ११जेल्योदा गेयुँ इताव लिज्या, ‘नो जेआसलाई फिस्को मातान्या जैन्याए जूँनी नो येनत छींङ पै ब कलँ लिद जेलिकिन ताखेहो’ है गेलिज्या। १२है जैद जे मातेन्सिद किताव भाःकाव



मिँराए परमेस्वरए ल्योदा यायुँ हुपुद थ०रिद यादोवनी परमेस्वरए ओरायो याकालाव पाँर दैकेर, जे ब हिताव ज़ दोव ताके।

### परमेस्वरए ओपाँ बनै थ०रिउ लिज़्या

१३ परमेस्वरए अब्राहामलाई याका ओएक ओलकिन घेप्पा छुन्या ओमा-दैवए ओल उमिननी ज़ अइ लिद किज्या भाःक्यो, १४“आछिमकिन नँलाई बनै घ्योःव असिक डाईरिज़्या, नथोर बनै सबा-द डाईरिज़्या,” है दोक्यो। १५हुनी ज़ परमेस्वरनी ओदैव याकालाई कुधु बर्स पै कींद बल्ल दैक्यो।

१६मिँराए ते याकिन घेप्पालाई छुद किज्या भाःज़्यार। किज्यानी वाज़ यापाँ थ०रिद ‘आव ताखेहो, हो ताखेहो’ लिन्या पाँ भरी ब खेम्ज़्या। १७हो मिताव ज़ परमेस्वरए ब, “डा डापाँ खर्क ज़ मात्तोसिउ थ०रिउ लिज़्या,” लिद छीनीकाव ओयाका दैवरालाई सतेंदचान्याए जूनी अब्राहामलाई किज्या भाःदिक्यो। १८नो खर्क ज़ मात्तोसिज़्याव ओपाँ अब्राहामए ओक्याँत नेथोनी ज़ रैंःके। डादा ओयो याकानी रैंःके, छीनी ओभाःव किज्यानी ब रैंःके। है जैद

गे आज्यालकाव मिँराए ब परमेस्वरए ओपाँ फिस्को ओमाताज़्याव ओल्यो लिद परमेस्वरए ओयासिरिज़्याव बरदान दैन्याए जूनी येसुए ओक्याँत ख्यासिद लिन्यात गेयुँ भेंःव ज़ लिज़्या। १९-२०नो ओक्याँत ख्यासिद गेलिज़्याव येसु बनै थ०रिउ काताए ब मापल्लतैधुन्या पहर स्यासो लिज़्या। होत ज़ गेलिकिन गे ब ग्याल गिल ज़ तान्या गेमाले। नोए ज़ मल्कीसेदेक मिताव खर्क ज़ माखेम्न्या प्रधान पुजारी ताद प्राइरानी चोखो पोल लिज़्याव परमेस्वरए ओडाक बाद गेलाई ब बान्या येम फैदचासिक्यो।

### पुजारी मल्कीसेदेक

७ आव मल्कीसेदेक सालेम सहरलाव राजा ओल्यो, माहान परमेस्वरए उपुजारी ब ओल्यो। हो बेलाक अब्राहामए राजारालाई हारैद उहुज़्याक मल्कीसेदेकस निदैसिक मल्कीसेदेकनी असिक दैक्यो। २अब्राहामए नैद ओरारैव भरिनी दस भा जैद तभा मल्कीसेदेकलाई एक्यो। मल्कीसेदेकए ओअर्थ ‘सतस दाज़्याव राजा’। ओराज्या सालेमए ओअर्थ फरी ‘सन्च’ ज़। ३होए उजूनीकाव सर्सिउ भरिल कान्ल ज़ ओबाबु ओआमा,



ओसाखा पुर्खा सोनो उजर्मिउ, उसिउ छचाम ब मारैःए। इतावनी ज़ नो परमेस्वरए ओज़ा मिताव खर्क ज़ माखेन्त्या परमेस्वरए ओड़ाकाव पुजारी येन ओदोज़्याव रैःज़्या।

**मल्कीसेदेक प्राइँनी ज़ घेप्पा रैःज़्या**

४आव ब सैच्यो, गेपुर्खा अब्राहामए नैद ओरारैवनी दस भा जैद तभा भरी नोलाई ज़ एक्यो। ननी ज़ मल्कीसेदेक घेप्पा रैःज़्या। ५कुधु छींङ अब्राहामए ओथोलाव लेबी थरलाव पुजारी-रालाई उपुर्काव यादाज्यु भाइराए, प्राइँ ज़ तोबोए ओथोर यातादी ब, मोसाए ओकानुननी दस भानी तभा पुजारीरालाई याव ज़ उपरिज़्याव। ६खाली मल्कीसेदेक ते लेबी थरलाव माःक। हैदी ब अब्राहामए ल्योनी मल्कीसेदेकए दस भानी तभा दैक्यो। नो मल्कीसेदेकए परमेस्वरए ओयाका दैव मिँलाई ज़ असिक एक्यो। ७गे ब गेसैँज़्या, असिक दैँज़्यावकिन असिक याज़्याव मिँ घेप्पा ताज़्या।

८फरी, नो लेबी थरलाव पुजारी-राकिन ब मल्कीसेदेक घेप्पा ज़ रैःज़्या। नोर सिउ ज़ लिज़्यार, मल्कीसेदेक ते उसिउ मारैःए। ९ख्वाराए अइ ब ल्यो धुर, दस भानी

तभा दैव परिन्त्या लेबीराए ज़ अब्राहामनी मल्कीसेदेकलाई दस भानी तभा एकेर, १०काराव ल्यो ताकिन अब्राहाम सोनो मल्कीसेदेकनी निदैसिक लेबी थरलाव पुजारीर यापुर्खा अब्राहामए ओक्याँत याल्यो।

**येसु मल्कीसेदेक मिताव ज़**

११नो कानुननिकाव लेबी थरलाव पुजारीराए यादोव येननी गे मिँराए जूँनी परमेस्वरए ओयेन भरी उतुपैव ताकिन काताए जूँनी धर्मसास्त्रल छुत किसिमलाव पुजारी तारिज़्या है उलिरिज़्याव? हारूनए ओथरनी मातान्या ओतावए परमेस्वरए ज़ादाकिन ज़ मल्कीसेदेकए ओयेन मितावनी तान्या थरैक्यो। १२नो कानुननिकाव पुजारी येन साःरोनी तान्या ओतावए नो कानुन ब साःरो ज़ ताव परिके। १३नो है गेलिज़्याव मिँ ते पुजारी थरलाव माःक लिन्या प्राइँए ज़ गेसैँज़्या। होए ओथरल पुजारी येन दावर ब सु ज़ मालेर। १४नो मिँ गेप्रभु ज़। ओथर ते यहूदा थर ची। यहूदा थरलावरालाई मोसाए पुजारी येन ते हैज़ मारादोव।

१५येसु उहुवत प्राइँनी ज़ मल्कीसेदेक मिताव ओरैःवए नो कानुननिकाव

येन भन ज उतुपिउ रैं:के। १६येसु पुजारी थरलाव कानुननी पुजारी ओताव मा:क। खर्क ज मासिन्या जुनी ओदैवनी ओताव ची। १७किताव धर्मसास्त्रल सर्सिउ उलिङ्ग्याव, हिताव ज ताके। नलाव सर्सिउ आव ज,

“नँ मल्कीसेदेकए ओदैव मिताव पुजारी येन नदैरिङ्ग्या।

नँ खर्क ज माखेम्या पुजारी नतारिङ्ग्या।”

१८नो डादाडाव कानुनए काता ज माजैधुन्या अनाकलाव ओतावए नो कानुन ख्यासिके। १९काराव ल्यो ताकिन कानुनए सुलाई ज परमेस्वरए उयुंलाव मिताव माराजैधुक्यो। है जैद होए ओपोल होकिन चाव आस याद नैसिउ। ननी ज गे परमेस्वरए ल्योड गेकेरुङ्ग्या।

येसुए पुजारी येन किज्यानी ज दैक्यो

२०येसुए परमेस्वरए ल्योनिकाव पुजारी येन किज्यानी ज दैक्यो। २१नो कानुननिकाव पुजारीराए ते किज्यानी यादैव मा:क। येसुए किज्यानिकाव ओदैव पुजारी येन ते धर्मसास्त्रल ब इतावनी सर्सिउ लिङ्ग्या,

“डा परमेस्वरए किज्या भा:द डानै, डायुं ब खर्क ज डामातोए,

‘नँ खर्क ज माखेम्या पुजारी नतारिङ्ग्या।’ ”

२२है जैद नो परमेस्वरए ओभा:व किज्यानी नो कानुननिकाव बाचाकिन येसुनी ओयासिउ बाचा बनै चाव सतैसिउ लिङ्ग्या।

येसु खर्क ज मातोसिए

२३नो कानुननिकाव पुजारीरा यायेनत अजम्बरी मातार। यासिउनी यासिउनी यातोसिङ्ग्याव। २४गेत्याला येसु ते खर्क ज मासिन्या ओतावए ओयेन ब खर्क ज माखेमे। २५है जैद येसुए परमेस्वरए ओडाक एकतार ज पोखारिद ओयासिङ्ग्यावए ओल ओल्योनी परमेस्वरए ल्योक बाङ्ग्यावरालाई एकम्याकावए जूनी बाँचैसिङ्ग्याव।

येसु ओखत माल्यो ज लिङ्ग्या

२६गेलाई निताव प्रधान पुजारी ज बनै ओचाहित ल्यो लिङ्ग्या। नो बनै छैव, सोजो, ओखत माल्यो, पापीराए ल्योनी पुलुस्द, स्वर्गत बाद प्राइरानी ओमान ल्यो पोल चुसिद ले। २७नोए ते डादाकिनकाव प्रधान पुजारीराए मिताव दिनकाव पुजार दाव मापरिए। डादाडाव प्रधान पुजारीराए ते

उस०कत या यापापए जूंनी, हुकिन मिंराए यापापए जूंनी पुजा यादोऽयाव। ओल येसुए ते उजिउ ज़ चरैःद पुजा भरी तखेप्त ज़ खेम्क्यो। २८ कानुननिकाव खतैसिउ प्रधान पुजारीर नो कानुन यामासयोःधुवए याखत ल्योर ताकेर। खाली कानुनकिन छींनी परमेस्वरए उकिऽयानिकाव ताव प्रधान पुजारी ते परमेस्वरए एकमन्याकावए जूंनी ओखत माल्यो ओथःरैव ओज़ा ज़।

### साःरो बाचानिकाव प्रधान पुजारी

८ आव है गेदाचिऽयावए ओअर्थ आव ज़, गे गेप्रधान पुजारी येसु स्वर्गत बाद माहान परमेस्वरए उसिंहासनए ओवोर्दा चुसिद ले। २नल परमेस्वरए ओड़ाकाव चोखो पोल गेलाई परमेस्वरस सखैऽन्याए जूंनी ओयेन दाव ज़ नैऽयाव। नो चोखो पो मिंए जैसिउ मिताव माःक, आव ते परमेस्वरए ओजैव साचो पो ज़।

३ कानुननिकाव प्रधान पुजारीर मिंराए परमेस्वरस खैऽन्या यादोव पुजा चरैःदयान्याए जूंनी खतैसिउर यालिऽयाव। है जैद गेप्रधान पुजारीए ब गेजूंनी कातार चरैःदयाव ज़ परिके। ४ खाली गेप्रधान पुजारी आःपै आव मानुवात ओल्यो ताकिन

निताव पुजारी येन मादैखेहो। निताव येन दैन्यार ते कानुननिकाव पुजारीर ज़ लिऽयार। ५ नोराए यायेन स्वर्गत छींनीकाव तान्याए ओसाँ सतैसिउ मिताव वाज़ लिऽया। काराव ल्यो ताकिन मोसाए नो चोखो पाल जैव ओपैऽयाक परमेस्वरए है दोक्यो,

“नो पाल नजैक खागरताव सतैद डाईव गोईनी वाज़ जैयो।”

६ खाली डादाकिनकाव पुजारीराए यादैव येनकिन येसुए ओदैव येन घेप्पा लिऽया। नोए ओयेन कातानी ओघयोःव लिक ते, परमेस्वरए मोसालाई ओयो याकाराकिन येसुए ल्योनी ओयासिउ याका घेप्पा ओतावए येसुए मिंर सोनो परमेस्वरसकाव याखालाव ओसखैऽयाव बाचा घेप्पा लिऽया।

७ नो मोसानी परमेस्वरए मिंरालाई उस०कताव ओरायो बाचा नत ज़ उतुपैव ताकिन छुत जैन्या ओमेला ज़ मालिखेहो। ८ खाली परमेस्वरए नो उमींरालाई याखत ल्योर थःरैद अइ लिद पाँके,

“छींनी तछा इस्राएल सोनो यहूदा कुललाव डामींरास साःरो बाचा डानैरिऽया।

९ नो बाचा यासाखा पुर्खारासकाव डानैव मिताव ते तान्या माले।

हो बेलाक डामीरालाई इजिपनी  
याकुइनी दोरैद पलेःद,  
बाचा डाराएके।

खाली नोर डाबाचाल यामाल्योए  
डामाराचिरुके।

१० छींनी तछा इस्राएलीरास इताव  
साःरो बाचा डानैरिज़्या,  
डकानुन यारुँल भाःदद्याद,  
डापाँर यारुँल  
सर्द डाराएरिज़्या।

हुनी ज़ डा यापरमेस्वर तान्या  
डाले, या डामीर तान्या लेर।

११ हो बेलाक छुतलाई डापाँ पैव  
परिन्या ब तान्या माले,  
ओभाइलाई, ‘परमेस्वर सरेस्के’  
है दाव ब परिन्या माले।

काराव ल्यो ताकिन  
घेप्पा जिम्ज़ाराए प्राइँए  
डालाई सरेस्न्या लेर।

१२ नोरालाई डारुँ नाद यादोव पापर  
रास्दद्याद फरी याका ज़  
दान्या डामाले।”


१३नो सर्सिउल परमेस्वरए “साःरो  
बाचा डानैरिज़्या” है ओल्योए ड़ादा-  
डाव बाचा भरी पुराँदो थःरैक्यो। है  
जैद पुराँदोए ओपोल साःरो ओताव  
प्राइँना पुराँदो भरी म्नाके।

पुराँदो चलननी परमेस्वरए ओसेवा  
दान्या पो

६ ड़ादाडाव चलनल परमेस्वरए  
ओसेवा दान्या कानुनर ब यालि-  
ज़्याव, ओसेवा दान्या पो ब जैसिउ  
उलिज़्याव। २नो पो, पालल नेखन्द  
जैसिउ ओताज़्याव। ड़ाताव खन्दल दिउ  
बाल्न्या सोनो चोखो भरेस नैन्या तेबल  
नैसिउ उलिज़्याव। नो ड़ाताव खन्दए  
उमिन ‘चोखो पो’ है यादोज़्याव। ३नो  
पाल जीलाव तोबो बारिसिउ क्वाकिन  
उछींनीकाव खन्दए उमिन ‘प्राइँरानी  
चोखो पो’ है यादोज़्याव। ४नल सुनए  
मुरिसिउ धुप भाःन्या थान सोनो  
सुनए मुरिसिउ मुधुस ब यानैज़्याव।  
नो मुधुसल हारूनए पलिउ उभुइ, लुँ  
फल्यात सर्सिउ कानुन, सोनो तोबो  
सुनए जा ब यानैज़्याव। नो जाल फरी  
मन्न ब यानैज़्याव। ५नो मुधुसए ओकत  
परमेस्वरए ज़गै मगैव ओचाकज्यानी  
निकर निकर जोरैद जैसिउ उलिज़्याव।  
नोनी निकरए परमेस्वरए उमीरालाई  
यापापनी ओरारास्ज़्याव पो थोर्सिउ  
उलिज़्याव। आव पाँ भरी ओलेखा ल्यो  
ज़ लिज़्या, खाली तोबो तोबोनी आख  
है मालिसिधुइ।

८:८-१२ यर ३१:३१-३४ ६:२ प्रस २५:२३-४०; २६:१-३० ६:३ प्रस २६:३१-३३

६:४ प्रस १६:३३; २५:१०-१६; ३०:१-६; गन्ती १७:८-१०; ब्य १०:३-५ ६:५ प्रस २५:१८-२२



(६:१-५)

पुराँदो चलन सा:रो ओमाहुवा पै वाज़

६नो सेवा दान्या पो प्राइँ ओतावत, पुजारीर दिनकाव ज़ ड़ाताव खन्दल पसिद परमेस्वरए ओसेवा यादोऽयाव। ७नो बारिसिउ क्वाए उछीनीकाव खन्दल प्रधान पुजारी वाज़ सालकाव तखेप उपसिऽयाव। खाली बिनु भी मा:क, भी लाँद वाज़ ओबाऽयाव। नो भी ओल सोनो मिँराए मासैँदकाव यादोव पापए जूँनी ओचरै:ऽयाव। ८आव भरिनी परमेस्वरए उपरूसए, नो पाललाव येन ओलेवा भरी परमेस्वरए ओड़ाकाव प्राइँरानी चोखो पोल बान्या येम आ:पै माफैसिताव लिऽया लिन्या सतैँद ओराएऽयाव।

६नो सतैँसिउ भरी आज्याल मनी खैऽया। नो भरिए ओअर्थ आव ज़, परमेस्वरलाई पुजा दाद याचरै:ऽयावए युँलाई खर्क ज़ छैँव माजैँव। १०नो यादोव भरी ते पाखाताव ज़्यान्या ओन्यार, बारिन्या सोनो हुर्सिद चोखोइसिन्या वाज़ उलिऽयाव। नो भरी परमेस्वरए सा:रो ओमाजैँवा पै वाज़ ओल्यो।

येसुए स्वर्गताव ओचरै:व पुजा

११खाली ख्रीस हुद नो सा:रोल प्रधान पुजारी ताद आव नामलाव कुइए जैसिउ सेवा दान्या पालल मा:क, स्वर्गताव परमेस्वरए ओड़ाक ज़ पसिके। १२नो प्राइँरानी चोखो पोल

ओबाक बोकाए उभीनी ब माःक, बाछाए उभीनी ब माःक, ओल उभीनी ज़ पसिके। भाःकाव प्रधान पुजारीराए माँःती घरी पाला बाव ब मापरिए। ओल ते तखेप ज़ पसिद अजम्बरी जुनी दैन्या येम फैदद्यासिक्यो।

१३नो पुजारीराए मिँरालाई चोखोइन्त्याए जूँनी बोकाए उभीए, बहरए उभीए, कैताक मार सघासिउ धुलीए नोरालाई छरैद पाखाताव याक्याँ चोखोइद याराएज्याव। १४होकिन भन ख्रीसए दाद ओयासिउ येनए ते युँलाई ज़ चोखो जैज्याव। ओल ख्रीस ज़ एकम्या लिज्याव परमेस्वरए उपुरूसनी ओखत माल्यो मार जैसिद गेदोव पापए जूँनी परमेस्वरलाई उजिउ ज़ चरैःदद्यासिक्यो। हुनी ज़ गेदोज्याव माचाव येननी चोखोइद जींदो परमेस्वरए उयुँलाव मिताव सेवा दान्यार जैसिज्याव। १५है जैद ख्रीसए डादाडाव बाचानी बिरैवराए यासजा फोःदद्यान्याए जूँनी उजिउ भाःद ओरायोए परमेस्वरए ओडाकाव साःरो बाचानिकाव त्याला ताद ले। ननी ज़ परमेस्वरए थरैद ओराखुलोरालाई ओयाकालाव माखेम्या बताहा दैन्यार ताज्यार।

१६-१७किताव तोबो मिँए ओल-सकाव लिज्याव भरी ओमासिद ज़ तोबोए उमिनत सर्द ओएकिन, नो ओसरो बाचा ओल ओमासिवा पै नो दैन्या मिँए ओहक माले। उसिउ प्रमान सतैकिन वाज़ नो बाचा पक्का ताज्या। १८हो मिताव ज़ परमेस्वरए मिँरास मोसानिकाव ओनैव बाचा ब मारए उभीनी वाज़ ओताज्याव। १९हो बेलाक मोसाए नलाव मिँरालाई परमेस्वरए ओकानुननिकाव पाँ भरी सथैद बोकाए उभी सोनो बाछाए उभील री भाःद भाताए उतुपात घ्यामो सन पोःद नो भील छिम्द कानुनलाव पोस्तोको सोनो मिँरालाई अइ लिद याछरैक्यो, २०“आव डाछरैचिज्याव भी परमेस्वरए जेसकाव ओनैव बाचात आछिमकिन उथूसिउ सरेस ज़,” है यादोक्यो। २१हो स्यासो ज़ परमेस्वरए ओसेवा दान्या पाल सोनो नलाव जा भरी ब भीए याछरैक्यो। २२नो कानुननिकाव चलननी चोखो याजैज्याव भरी जाँकोसै भीनी ज़ याचोखोइज्याव। है जैद पापनी चोखोइसिन्याए जूँनी मार मासैःद ज़ ओमाताज्याव।



ख्रीसए दाद ओयासिउ येन पक्का  
लिङ्या

२३ है जैद नो पाललाव भरी स्वर्गताव नकलनी जैसिउ ओतावए नलाव चोखो याजैङ्याव भरी जन्तुराए भीनी चोखो ओताङ्याव। साचो स्वर्गत ते होकिन भन चाव चाहिङ्या। २४ ख्रीस ते स्वर्गताव नकलनी कुइए जैसिउ पोल माःक, गेलाई सखैऩ्याए जूनी परमेस्वरए ओङाकाव साचो चोखो पोल उपसिउ ची। २५ नो प्रधान पुजारी ते पाललाव प्राइरानी चोखो पोल सालकाव तखेप उपसिक मारए भी लाँद वाज उपसिङ्याव। ख्रीसए ते घरी पाला चरैःव मापरिए। २६ घरी पाला ज पसिन्या ताकिन आव मानुवा उसिर्जिउ छचामकिन घरी पाला सिउ ब परिखेहो। खाली परमेस्वरए ओगोइँव बेलाक ज तखेपत ज पाप भरी खेऩ्याए जूनी ओक्याँलाई चरैःन्यात थाँसिहुके। २७ मिँ भरी तखेप सिउ परिङ्या। नकिन परमेस्वरए ओङाक फाल्सिउ परिरिङ्या। २८ हिताव ज ख्रीसए मनी कुधुराए यापाप घुदर्चान्याए जूनी तखेप ज उजिउलाई चरैःक्यो। फरी ब तखेप आव मानुवात सतैसिहुरिङ्या, खाली हो पालाक पाप घुदर्चान्या ते माःक,

ओललाई यायुँ थू जैद कींद नैङ्याव-  
रालाई ओलस लाँऩ्याए जूनी ज।

कानुननिकाव चलनर हुऩ्या पाँए  
ओसाँ ज

१० मोसाए ओकानुननिकाव  
चलन भरी साचो ओक्याँ  
माताद छीनीकाव हुऩ्या पाँए  
ओसाँ वाज ओतावए नो सालकाव  
एकऩ्या याराचरैःङ्याव माररानी नो  
चरैःङ्यावरालाई छैँव माराजैव। २ ननी  
ज परमेस्वरए ओङाक छैँवर याताव  
ताकिन डादाडाव यादोव पापत  
उथुपुल माताद पापनी सछैँसिन्या  
मार सैःन्या ब रास्खेरहो। ३ खाली नो  
मारर सालकाव याराचरैःङ्यावनी भन  
ज यापापए याका दोङ्यार। ४ काराव  
ल्यो ताकिन नो बहरर सोनो बोकाराए  
याभीनी खर्क ज मिँलाई पापनी छैँव  
माजैधुव।

परमेस्वरए डादाडाव बाचालाई  
तुपैक्यो

५ है जैद ख्रीस आव संसारल मिँ  
मिन्सिद उहुक ओल उजूनी धर्म-  
सास्त्रलाव सर्सिउ पाँ ज पाँके। नो पाँ  
आव ज,

“अ डाबाबु परमेस्वर,



नँलाई मारर सैःद चरैःन्यानी  
नयुँ होलाँ माताए।

बुरू डालाई मिँ ज़ नजैनाके।

६मेंःनी सघान्या पुजानी सोनो

पाप क्यालन्या पुजानी

नयुँ होलाँ माताए।

७है जैद अ परमेस्वर,

किताव डाजूनी डादा ज़

धर्मसास्त्रल सर्द ननैज़्याव

हिताव ज़ नयुँलाव मिताव येन

दाना डा हुद डाले।”

८कानुन मितावनी चरैःन्यार उलिदी ब,

ख्रीसए उस०कत, “चरैःन्या माररानी,

मेंःनी सघान्या पुजानी सोनो पाप

क्यालन्या पुजानी नयुँ होलाँ माताए,”

है लिद, ९फरी, “नयुँलाव मिताव येन

दाना डा हुद डाले,” है ब दोक्यो। ननी

ज़ परमेस्वरए डादाडावलाई तुपैद

छीनीकावलाई थःरैक्यो। १०परमेस्वरए

उयुँ छीनीकावनी ओतावए गेजूनी

येसु ख्रीसए तखेप्त ज़ उजिउ चरैःद

ओयासिउनी ज़ गे परमेस्वरए ओड़ाक

उयुँलाव मिताव छैँवर ताद गेले।

११नो कानुननिकाव पुजारीर

परमेस्वरए ओसेवा यादोक एकमन्या

तोबो नास्याकाव पुजार वाज़ यादो-

ज़्याव। ननी सुलाई ज़ पापनी छैँव

माराजैर। १२ख्रीसए ते मिँराए यापापए

जूनी ओक्याँलाई तखेप्त ज़ एकमन्या-

कावए जूनी चरैःद, परमेस्वरए

ओवोर्दा चुसिनाके। १३हाःकिन

उसुतुर भरिलाई परमेस्वरए उखँ धूँल

भाःद ओमाएवा पै नक ज़ कींद

नैव, १४काराव ल्यो ताकिन ख्रीसए

तोबो मारनी ज़ छैँव तानाज़्याव-

रालाई एकमन्याकावए जूनी याखत

माल्योर याजैक्यो।

१५ख्रीसए निताव येन ओदोव गेलाई

छैँव पुरूसनी धर्मसास्त्रल ब सतैँसिउ

लिज़्या। नलाव सर्सिउ आव ज़,

१६परमेस्वरए है लिज़्या,

“छीनी तछा नोरास इताव

साःरो बाचा डानैरिज़्या,

डाकानुन यायुँल भाःदयाद,

डापाँर यायुँल

सर्द डाराएरिज़्या।”

१७सोनो,

“यादोव पापर फरी याका ज़

दान्या डामाले।”

१८है जैद गोपाप भरी परमेस्वरए तोबो

मारत ज़ खेम्द ओयासिउ प्राईना फरी

छुत मार काराव ओचाहिउ?

साःरो येम फैसिउ

१९गेनैँ गेमेँर, येसुए उजिउ भाःद

उभ्नी सोभोद ओयासिउनी परमेस्वरए



ओड़ाकाव प्राइरानी चोखो पोल पसिन्या गेलाई काताए ओछ्यास ब माले। २०नो झादाडाव बारिसिउ पोल पसिन्या साःरो येम फैसिउ लिङ्या। नो येम येसु उसिउनी ज़ फैद नैदचासिउ। २१परमेस्वरए उक्किम चलैन्या नाःल्दिउ गेपुजारी उलिङ्यावए, २२गेयुँ सुहुप्द माचाव येनर रास्द गेयुँ चोखो जैद उमिनत रील सछैँसिद धुक्कस परमेस्वरए ल्योदा गेबाया। २३गेयुँ हुप्द कींद गेनैङ्याव आस ओमायो-वा पै ग्याल गिल माताद थ०रिद ल्यो ताके। गेलाई ओय्राका याङ्यावए सत माहारिउ। २४बुरू कातानी गे गेल खैद समारिसिन्या सोनो चाव येन दान्यात जाँगर हाइसिन्या खिमो ताके। २५गेनी ख्वाराए परमेस्वरए उमिनत दुप्सिन्या यारासो मिताव गे ते दुप्सिन्या खर्क ज़ मारासो ताके। बुरू ख्रीस उहुन्या छ्याम नजिक नजिक उहुनावए भन ज़ गे गेल सा हाइसिउ ताके।

साःरो येमलाई रास्द गेबाकिन  
ओछ्यास लिङ्या

२६गे परमेस्वरए ओपाँ थ०रैद मनी सैङ्यावत सैङ्यावत पाप गेदोकिन परमेस्वरस खैन्या येम कातानी

गेदैरिङ्याव? २७बुरू परमेस्वरए उसुतुररालाई जैद ओरायो छे छे डम्सिउ उरिसलाव मेंःल बान्या आस वाज़ लिङ्या। २८भाःकाव मिँर ब मोसाए ओकानुन रास्द तँदा याबाकिन नोराए याउपत न्नेब्लो सोम्लो साचीर यापुलुस्किन नोरालाई मासैःद यामारासङ्याव। २९नोकिन भन जोए परमेस्वरए ओज़ालाई उखँ धूँलाव हिला तकल जैङ्याव, होए भन किताव सजा दैवके? नितावए उजिउ भाःद उभी सोभोद परमेस्वरए ओड़ाक छैँव जैङ्यावलाई माछैँव जैक्यो। उयुँ ग्याल्ज्याव छैँव पुरूसलाई मनी बीज्यात ज़ जैक्यो। ३०गे ज़ गेसैङ्या, परमेस्वरए, “निताव पोल खिस फेरैङ्याव डा ज़,” है लिद ले। सोनो उमीरालाई फाल्ज्याव ओल ज़ लिङ्या लिन्या ब गेसैङ्या। ३१इताव सजारानी जीदो परमेस्वरए उकुइत परिन्या बनै छे छे डम्सिउ लिङ्या।

परमेस्वरए ओयेन दान्यात  
युँ सज़िन्या माःक

३२परमेस्वरए ओपाँ उस०कताव जेदैव बेला चेतैच्यो। हो बेलाक परमेस्वरए ओपाँ चावस थ०रैद कुधु

१०:२२ लेबी ८:३०; इज ३६:२५ १०:२७ यसै २६:११ १०:२८ ब्य १७:६; १६:१५

१०:२६ प्रस २४:८ १०:३० ब्य ३२:३५-३६

दुखर जेसहिके। ३३ख्वार प्राइंराए  
 डाक हसैद बरेःसी निन्या ब जेताके।  
 ख्वार प्रोसी निन्या ब जेताके। ख्वाराए  
 फरी माछेःद नितावरालाई धुरि-  
 दयान्या ब जेताके। ३४भयालखानाल  
 परिउरालाई ब चावस ज़ जेराचिऊके।  
 कैताक यालुतिचिक ब 'आवकिन  
 भन चाव खर्क ज़ माखेन्त्या गेधन  
 सम्पती स्वर्गत लिज़्या' लिद रेंद ज़  
 जेसहिके। ३५है जैद जेयुं तासज़िन्च्यो।  
 नो येननी घ्योःव बाजी जेदैरिज़्या।  
 ३६जेलाई सहिद थ०रिन्या युंए  
 ओचाहित लिज़्या। निताव युं जेस  
 उलिकिन परमेस्वरए उयुंलाव मिताव  
 सयोःद ओयाकालाव पाँर जेदैरिज़्या।  
 ३७धर्मसास्त्रल इताव सर्सिउ लिज़्या,  
 "चाँदो ज़ डाहुरिज़्या है लिज़्याव  
 परमेस्वर  
 धिलो मादाद हतप्त ज़ हुरिज़्या।  
 ३८हो छचाम उयुं हुपद परमेस्वरस  
 खैव मिं वाज़ बाँचिन्या ले।  
 ओल्योनी याछींदा ओल्द बाज़्यावर  
 ते उयुंलाव मितावर मातार।"  
 ३९खाली गे ते नो ओल्योनी ओल्द नास  
 तान्याल बाज़्याव स्यासोर ते गेमाले,  
 गे ते गेयुं सुहुपद परमेस्वरए ल्योडाव  
 अजम्बरी जुनील बाज़्यावर ची।

## युं हुप्या

११ उयुं हुबो मिंए परमेस्वरए  
 ओयाकार साचो ज़ थःरैद  
 ओमारेंःवलाई ब उरेंःधुव मिताव  
 ज़ जैज़्याव। २भाःकाव मिंर ब यायुं  
 उहुबोनी ज़ परमेस्वरए उयुंलावर  
 ताकेर।

३परमेस्वरए ओपाँत गेयुं उहुबोनी  
 ज़ 'परमेस्वरए ओयाःनी नाम नम  
 ओजैव' लिन्या गेथःरैज़्या। है जैद ताव  
 भरी गेमारेंःवनी ज़ ताकेर। ४युं हुबोनी  
 ज़ हाबिलए ओदाज्यु कयिनकिन  
 परमेस्वरलाई चाव चरैःक्यो। उयुं  
 उहुबोनी ज़ धर्मी थ०रिके। ओसाची  
 परमेस्वरलाई ओचरैःव रैद ओयोनी  
 ज़ रैंःज्या। नो ओल उसिदी ब ओयेन  
 ते मासिए, पाँव ज़ लिज़्या।

५फरी युं हुबोनी ज़ हनोक पाला  
 मासिद ज़ स्वर्गत छींसिके। नोलाई  
 परमेस्वरए ओलस ज़ ओलाँवए  
 सापद ब मादैकेर। नो मिं परमेस्वरए  
 ओलस ओमालाँद ज़ उयुंलाव मिताव  
 थ०रिउ उलिज़्याव धर्मसास्त्रल ब  
 रैंःज्या। ६उयुं माहुपज़्याव मिंए खर्क  
 ज़ परमेस्वरए उयुं होलाँ जैद माएधुव।  
 जो परमेस्वरए ल्योदा हुज़्या, होए डादा

‘परमेस्वर लिज़्या ज़’ लिद पतिउ ताके, नकिन ‘ओललाई खिम्ज़्याव मिँए ल्योदा उयुँ य़ालो ज़ लिज़्या’ लिन्या ब पतिउ ताके।

७युँ हुबोनी ज़ नोआए पाला हुन्या पाँर ओमाहुद ज़ परमेस्वरए है ओदोव उयुँ हुपद उक्किमलावरालाई बाँचैन्याए जूनी ड़ादाकिन ज़ री जहाज जैक्यो। ननी ज़ मानुवाताव मिँ भरी ओपोःस ज़ अधर्मीर रैःकेर। ओल ते उयुँ उहुबोनी ज़ परमेस्वरए उयुँलाव मितावल गनिसिके।

८परमेस्वरए अब्राहामलाई याव ओपैज़्याव पोदा उखुल्क उयुँ उहुबोनी ज़ नो पो मासैद ज़ परमेस्वरए ओपाँ भैःद पुलुस्द बाके। ९नो पो ओल उजिउ भरिल ओमादैदी ब परमेस्वरए ओपाँत उयुँ उहुबोए नल ज़ खासिद लिके। ओज़ा इसहाक, ओनाती याकूबए ओपालाक पै नो पोल ज़ पालल खासिद लिकेर। नोनी ब अब्राहामए ओदैव याका दैवनी निल्यो। १०ओल अब्राहामए उखिम्ज़्याव ते आव मानुवाताव सहररालाई माःक, परमेस्वरए ओजैव खर्क ज़ माखेम्न्या सहररालाई ची।

११ओज्या साराए मनी उयुँ उहुबोनी ज़ जूचास्द ब परमेस्वरए ओसक्ती दैद ज़ा तोबो दैक्यो। नो ज़ा दैन्या याका याज़्याव परमेस्वरलाई ड़ादा ज़ थःरैद ओनैज़्याव। १२है जैद अब्राहाम बनै सेर्द फ्याःन्याल गनिसिउ उलिदी ब ओथोर नमताव सोरोर, सोनो समुन्द्रलाव बालुवा स्यासो मागनिसिधुन्यार ताकेर।

### यायुँ हुबोराए स्वर्गताव पो खिम्ज़्यार

१३आवर परमेस्वरए ओरायो याका याजिउत यामादैदी ब यायुँ हुपद ज़ सिकेर। नो याका तादानी ज़ यारैःव मिताव जैद यायुँ नदा ज़ भाःकेर। नोर आव जुनील याक्किम मालिद खासिद यालिज़्याव मिताव जैसिकेर। १४निताव जैसिज़्यावर साचो यादेस याखिम्ज़्याव रैःज़्या। १५निताव यामाःताकिन याख्यानैव देसलाई मामेंःद ओल्द बाखेरहो। १६खाली आवराए ते या याख्यानैव देसकिन भन स्वर्गःताव चाव देस खिमो ज़ यानैज़्याव। है जैद परमेस्वरए, “डा आवराए यापरमेस्वर ज़” है लिन्यात ओलाज

११:७ उत ६:१३-२२ ११:८ उत १२:१-५ ११:९ उत ३५:२७

११:११ उत १८:११-१४; २१:२ ११:१२ उत १५:५; २२:१७; ३२:१२

११:१३ उत २३:४; १ इति २६:१५; भज ३६:१२



माहुइ, काराव ल्यो ताकिन नोराए जूनी परमेस्वरए स्वर्गत तोबो सहर जैद नैद यायो।

### गेपुर्खाराए यायुं यासुहुबो

१७युं हुबोनी ज़ अब्राहामए ब परमेस्वरनी ओजाँचिसिक ओज़ा इसहाकलाई चरैःन्यात उयुं माकैक्यो। परमेस्वरए ओय़ाकार दैद ओनैज़्यावत ब तोबोका तोबो ओज़ालाई परमेस्वरलाई चरैःन्या तयार ज़ ताके। १८नो ओज़ालाई ज़ परमेस्वरए, “इसहाकनिकावर वाज़ नथोल गनिसिन्या लेर,” है ओदोव। १९है जैद अब्राहामए उयुंल उयुंल, ‘इसहाक उसिदी ब परमेस्वरए जुनी ब सोचोइवा ज़’ है उलिज़्याव। है जैद हो छचाम ओचरैःक ओमासिउए परमेस्वरए सोचोइद ओयो मिताव ज़ ताके।

२०युं हुबोनी ज़ इसहाकए छीनीकाव तान्या पाँराए जूनी ओज़ा याकूब सोनो एसावनिलाई असिक निएक्यो।

२१युं हुबोनी ज़ याकूबए ब उसिन्या बेलाक उभुइ तिकिसिद परमेस्वरलाई पोंखारिद योसेफए ओज़ानिलाई असिक निएक्यो।

२२युं हुबोनी ज़ योसेफए ब उसिन्या बेलाक इस्राएलीर इजिपनी पुलुस्न्याए जूनी पाँद, “आनी जेपुलुस्क आव पोल डारूस ब ख्यानैद तायाँच्यो,” लिद किज्या भाःव यापरींक्यो।

२३युं हुबोनी ज़ मोसा उजर्मिक ओबाबु ओआमानी ‘आव परमेस्वरए उयुंलाव मिताव तारिज़्या’ लिद राजाए ओकानुन रँःद माछेःद ज़ सोमैना पै म्नाँद नैकिनी।

२४युं हुबोनी ज़ मोसा सेर ओतावत राजा फारोए मेंमा ओज़ाए ओज़ाल उगनिसिदी ब नल ल्यो माभैःके। २५नोए थाँतस लिद पाप दाज़्याव देखा बुरू परमेस्वरए उमीरास दुख सहिन्या रूजिक्यो। २६इजिप भरिलाव धन सम्पती उकुइत उलिज़्यावत ब नोकिन भन ख्रीसए उमिनताव हेलारी तान्या घेप्पा रँःक्यो। परमेस्वरए ल्योडाव ओबताहादा वाज़ उयुं थू जैक्यो। २७युं हुबोनी ज़ नलाव राजाए उरिसनी माछेःद इजिपलाई रास्द इस्राएलीराए याज़ात बाके। सुए ज़ यामारँःधुज़्याव परमेस्वरलाई उरँःव मिताव जैद उयुं थू जैद नो ओयेनलाई मारास्क्यो। २८परमेस्वरए इजिपलाव जेथा जेथा

११:१७ उत २२:१-१४ ११:१८ उत २१:१२ ११:२० उत २७:२७-२९,३९-४०

११:२१ उत ४७:३१-४८:२० ११:२२ उत ५०:२४-२५; प्रस १३:१६

११:२३ प्रस १:२२; २:२ ११:२४ प्रस २:१०-१२ ११:२७ प्रस २:१५



भरी ओरासैःज्याक मोसाए उयुँ उहुबोनी ज़ इस्राएलीराए याज़ार छुव मायान्याए जूँनी पाथा सैःद यामत उभी थीन्या निस्तार पर्व मानिउ यापरीक्यो।

२६युँ हुबोनी ज़ इस्राएलीर लाल समुन्द्र यातरिज्याक री सा-द बगर ताके। नोरालाई खेपैहुव इजिपीर ते नो सा-व बगरल याहुव प्राईना री हुद यागदैक्यो।

३०युँ हुबोनी ज़ इस्राएलीराए यरीहो सहरलाई बारिसिउ भार्नालाई सात दिन पै दिनकाव तखेप याघुमैक नो भार्नार यानी ज़ ताकेर।

३१युँ हुबोनी ज़ नो राहाब बेस्याए ब नो इस्राएलीराए यारापरीव देस जाँचिना हुवनिलाई पाथस उनिनैवए नो सहरलाव मिँ भरी यारासैःक ओल सिउ मापरिके।

यायुँ हुबोनी ज़ येन ब दोकेर,  
दुख ब सहिकेर

३२इताव यायुँ हुबोराए जूँनी खा ची डापाँके? नोरानी गिदोन, बाराक, सिमसोन, यिप्ता, दाऊद राजा,

समूएल सोनो अगमबक्तर ब लिज्यार। नोराए जूँनी सन्या समय ज़ माले। ३३युँ हुबोनी ज़ नोराए छुत राज्यार ब भेःद यारारैकेर, परमेस्वरए उयुँलाव मिताव येन ब दोकेर, परमेस्वरए ओयाकालाव पाँर ब दैकेर, लाराए यायाःर ब सूइद याराएकेर, ३४वीं वीं चाँःज्याव मेःए मुल्कालाई ब सैःकेर, तरवालीनी सिन्यानी ब पुलुस्केर, यार्सा ओमालिदी ब ओचाहिउ बेलाक घ्योःव सक्ती ब दैकेर, लरैल यार्सा ल्यो ताद छुत फौजीरालाई याराखेपैकेर, ३५मेंमाराए ब सिउनी सैसिउ यामीरालाई यारादैकेर।

युँ हुबोनी ज़ फरी ख्वाराए भयाल-खानाल यालिज्याक 'परमेस्वरलाई जेरास्किन आनी पुलुसो जेदैया' है यारादोक परमेस्वरए ल्योडाव अजम्बरी जुनी दैन्याए जूँनी ननी पुलुसो माभैःद बुरू दुखस सिन्या सहिकेर। ३६ख्वार फरी हसैसी न्निन्या, रीःसी न्निन्या ब ताकेर, ख्वार किसी न्निन्या ब ताकेर। ३७ख्वारालाई लुँराए भेःद यारासैःकेर, ख्वारालाई करौंतीए

- ११:२८ प्रस १२:२१-३० ११:२९ प्रस १४:२१-३१ ११:३० यहो ६:१२-२१  
 ११:३१ यहो २:१-२१; ६:२२-२५ ११:३२ न्याय ४:६-५:३१; ६:११-८:३२;  
 ११:१-१२:७; १३:२-१६:३१; १ समू १:१-२५:१; १ समू १६:१ - १ राज २:११  
 ११:३३ दान ६:१-२७ ११:३४ दान ३:१-३०  
 ११:३५ १ राज १७:१७-२४; २ राज ४:२५-३७  
 ११:३६ १ राज २२:२६-२७; २ इति १८:२५-२६; यर २०:२; ३७:१५; ३८:६

चिराद यारासैःकेर, ख्वारालाई तरवालीए यारासैःकेर। इतावनी ज़ प्राईनी जाँचिसिकेर। याखिरी पसिद दुखर दैकेर। नोर काता ज़ माल्योर ताद बेधा बाकराराए स्यालोर क्वाइसिद दुलिरिन्या ब ताकेर। ३८सु ज़ यामालिज़्याव हाँ जीदा दुलिद कुँ जील पुप जील यालिज़्याव। आव मानुवाताव मिँराए कान्ल ज़ यामारागनिदी ब नोर भन प्राईरानी घेप्पाल गनिसिउर यालिज़्याव।

३९आव भरी यायुँ उहुबोनी ज़ परमेस्वरए उयुँलाव मितावर ताकेर। खाली आव याजिउत परमेस्वरए ओयाकार रँःव मादैकेर। ४०काराव ल्यो ताकिन परमेस्वरए गेजूनी भन चाव पाँ तोबो थःरैद, 'प्राईँ मिँर तखेप्ट ज़ छैवर घतारक' लिद गेलाई ब कींद ओनैसिज़्याव।

हार मामानिद यादा ज़ बान्या

१२ है जैद यायुँ हुप्ज़्यावर नाः माहोल्या गेड़ाताव साचीर यातावए गे ब तन्धरे जैज़्याव पाँर सोनो भुकैद पापल पारैज़्याव पाँर रास्द थ०रिद आव जिउत ज़ दुखर सहिद परमेस्वरए ल्योदा बान्या येमदा आस दाद गेधोंःना। २गेयुँ सुहुप्दचाद

अजम्बरी जुनी दैन्या जैज़्याव येसुलाई चिऊद नैव ताके। नोए बीज्यातर तादी ब, क्रुसत तङ्गैसिद सिन्या तादी ब, स्वर्गताव युँ होलाँ तान्या पोलाई उरँःवए नो भरी सहिक्यो। आख ते परमेस्वरए उसिंहासनए ओवोर्दा चुसिद ले। ३जे जेर्सा सैःद जेयुँ मासतेन्याए जूनी निताव पापीराए ल्योनी मासहिंसिधुन्या दुखर सहिउ येसुलाई याका दोच्यो।

गेदुखराल परमेस्वरए मुइलिउ  
जैसिज़्याव

४जे आःपै पापीराए ल्योनिकाव सिन्या मिताव दुखर जेमादैताए। ५परमेस्वरए जेलाई ओज़ा मितावर जैद ओसम्जैचिउ पाँर तामेंःच्यो। नो पाँ आव ज़,

“अ डाज़ा, ‘परमेस्वरए ओदईनिक दुख ताके’ लिद राँता ब ताजैसिनी, नयुँ ब ताकेःयो।

६जोए ल्योदा परमेस्वरए उयुँ ताज़्या, होलाई मुइलिउ जैज़्याव।

जोलाई ओज़ा जैज़्याव, होलाई कैताक रीःज़्याव।”

७जेलाई मुइलिउ जैन्याए जूनी



दुखर ब जेदैज़्या। परमेस्वरए किताव ओबाबुए ओज़ालाई ओजैज़्याव, हिताव ज़ जैचिज़्याव। ओबाबुए ओमाम·लैव ज़ा सु ची उलिज़्यावदा? ८परमेस्वरए जेलाई ओज़ाराए माँ:ती जैद ओमाम·लैचिउ ताकिन ओज़ाल मागनिसिद नामज्याल गनिसिन्या जेल्यो। ९फरी आव मानुवाताव गेबाबुराए मुइलिउ याजैसिउए यामान नैद गेराएज़्या। होकिन भन स्वर्गताव गेबाबुए उधूँल ल्यो ताके। ननी ज़ मासिन्या जुनी दैन्या गेले। १०आव मानुवाताव गेबाबुराए ते छचावाए जूनी जो पैज़्यार, हो येनत मुइलिउ जैसिज़्यार। परमेस्वर गेबाबुए ते गे गेजूनी ज़ छैव ओगेर यान्याए जूनी मुइलिउ जैसिज़्याव। ११आव मुइलिउ जैज़्याव भरिए उसंकत सुख माताए दुख ज़ ताज़्या। खाली छीनी नोर सहिद मुइलिउ ताव मिँरालाई परमेस्वरए युँ होलाँ ब जैदचाव दोज़्याव, उयुँलाव मिताव ब जैव दोज़्याव।

१२है जैद सेलोलो सिउ जेखँ जेकुइर थ०रिउ जैचिके। १३प्राइँए थ०रिउ युँ जैद साचो येमनी वाज़ बाच्यो। हो ताकिन ची धो धो बाज़्यावर ब मापर्दप्द चावस बान्या लेर।

परमेस्वरनिकाव असिक माचुकैन्या

१४प्राइँस खैन्या खिम्च्यो। परमेस्वरए उयुँलाव मिताव छैव तान्या खिम्च्यो। माछैवराए सुए ज़ परमेस्वरलाई रँ:धुन्या मालेर। १५जेनी परमेस्वरनिकाव असिक सुए ज़ ताचुकैच्यो। जेखाल युँल दाद नैन्या सु ज़ ताताक, मानी खादरलाव चिउ भतान्जी मिताव ताद कुधुलाई बले·न्या जेले। १६एसाव युँ मानैधुन्यानी अधर्मी ओताव मिताव ब सु ज़ तातारक। नोए तकेज़ा ज़्यावए जूनी परमेस्वरनिकाव ओदैव ओजेथाक ब यो·क्यो। १७जे ज़ जेसैज़्या, छीनी ओबाबु उसिन्या बेलाक जेथाकलाव असिक फरी उन्निक मादैक्यो। बनै घर्द धामा दाद ब मासोवोल्धुक्यो।

जेहुव पो परमेस्वरए ओज़ाकाव पो ज़

१८जे जेहुव पो इस्राएलीर सीनै खागरताव याहुव पो स्यासो ते मा:क। नोराए नत घेप्पा में:ए मुल्का, अन्धनी दुन्ध चुम चुमो, बनै घ्यो:व लापा रँ:केर। १९हा:त ज़ नमत भोंकरए ओर्गा थैद नमतिन हुव अचम्बलाव पाँ याथैक नोर बनै छे:द

“परमेस्वर फरी गेस तापाँक,” लिद मोसास बिन्ती दोकेर। २० परमेस्वरए नोरालाई, “आव खागरत सुए ज़ छाप्न्या माताए। छाप्किन, जै जन्तु तादी ब, लुँए भेःद सैःव ज़ परिके,” है ओरादोक नोर याछ्याचेए मासहि-धुकेर। २१ बनै छे छे डम्सिउ ओतावए मोसाए पाला, “डा ब डाछ्याचेए डागूज़्या,” है लिके।

२२ खाली जे ते निताव पोत जेहुव माःक। जे जेहुव पो ते भन स्वर्गताव सियोन दाँदाताव जींदो परमेस्वर उलिज़्याव यरूसलेम सहरल हुद जेले। नल मागनिसिधुन्या परमेस्वरए ओचाकज्यार बनै रेंद ओसेवा दोज़्यावर लिज़्यार। २३ परमेस्वरए ओज़ाल गनिसिउ, स्वर्गत यामिन सर्सिउ भरी ब लिज़्यार, परमेस्वरए उयुँलाव मिताव धर्मी मिँराए यापुरूसर ब लिज़्यार, प्राइँलाई फाल्ज़्याव परमेस्वर ब लिज़्या। २४ साःरो बाचानिकाव गेत्याला येसु ब लिज़्या। नोए उजिउ भ्नाःद ओयासिउनी गेलाई परमेस्वरस सखैसिज़्याव। ओल उसिउ ते हाबिल उसिउ मितावनी माःक। हाबिल मितावनी सिन्या ते

खिस फेरिन्या वाज़, येसु उसिउनी ते सखैन्या दोज़्याव।

### परमेस्वरए ओपाँकिन तँदा गेबाकिन ओछ्यास लिज़्या

२५ जे जोगोइसिद लिच्यो, मानी नो सखैज़्यावए ओपाँ माभैःज़्याव मितावर जे ब तान्या ओछ्यास लिज़्या। आव मानुवात परमेस्वरए ओपाँ थैव यामाभैःवनी उस्किउ यामादैकिन, गे भन स्वर्गनी पाँज़्यावए ओपाँ गेमाभैःकिन कातानी उस्किउ गेदैरिज़्याव? २६ डादा सीनै खागरत परमेस्वरए ओर्गाए आव नामलाई थोनो-क्यो। होए उछीनी फरी अइ लिद याका नैक्यो,

“फरी तछा तखेप डाथोनो-रिज़्या, आव नामलाई वाज़ माःक, नमलाई ब डाथोनो-रिज़्या।”

२७ नो ‘फरी तखेप डाथोनो-रिज़्या’ है उलिज़्यावए ओअर्थ आव ज़ — ओराजैव भरी ओपो-स ज़ तछा याखेम्रिज़्याव। हो ताकिन ची माथोनो-सिधुन्यार वाज़ रहिरिज़्यार।

२८ है जैद खर्क ज़ माथोनो-सिधुन्या थ०रिउ ओराज्या ओयासिरिज़्यावए

१२:१८-१९ प्रस १६:१६-२२; २०:१८-१९; ब्य ४:११-१२; ५:२२-२७

१२:२० प्रस १६:१२-१३ १२:२१ ब्य ६:१९ १२:२४ उत ४:१० १२:२५ प्रस २०:२२

१२:२६ हाग २:६

गे परमेस्वरए उगुन मानिद ओललाई  
ओज्यास्ज्याव मिताव ओमानर  
नैदद्याद छैंव युँस ओसेवा दाव ताके।  
२६ काराव ल्यो ताकिन गे गेपरमेस्वर  
चुयाप ख्याज्याव में: स्यासो लिज्या।

परमेस्वरए ओपैज्याव येनर

१३ जे नैं मेंस खैन्या येन मारास्द  
दाव ज़ नैच्यो। २जेभिमक  
हुवलाई खर्क ज़ मासरेस्मिउ तादी ब  
चावस नैच्यो। रूवा रूवाराए नितावनी  
ज़ परमेस्वरए ओचाकज्यारालाई ब  
मासरेस्द ज़ यारानैकेर। ३भयाल-  
खानाल लिज्यावरालाई जे ब नोरास  
सिप जेलिज्याव मिताव चेतैद  
याराचिऊच्यो। दुख दैज्यावरालाई ब  
हितावनी ज़ याराचिऊच्यो।

४ज्या जेरैक, रे जेदोक, ज्या-री  
सतत लिन्या ओताक, असत दान्या  
ताताक। छुतए ओज्यास बाज्यावर  
छुतए ओरेस बाज्यावर सोनो पातज्या  
पातर्नी जैसिज्यावर परमेस्वरए  
ओसजाल परिन्या लेर।

५धन सम्पतीए लोभनी अछतड  
लिच्यो। जेस खा उलिज्याव हा:त ज़  
सोन्तोकोस लिच्यो। परमेस्वरए ओल  
ज़ है लिज्या,

“डा जेलाई खर्क ज़  
रास्न्या डामाले,  
ख्यानैन्या ब डामाले।”  
६है जैद गे धुक्क ताद ज़ है गेलिज्या,  
“गेप्रभुए प्राईल ज़  
ओसघैसिज्यावए  
कातानी ब छे:न्या गेमाले।  
मिराए गेलाई कै ची  
याजैसिधुरिज्याव?”

७जेलाई परमेस्वरए ओपाँ सथैद  
जेड़ात बाज्यावरालाई याराचिऊचिके।  
नोराए यायेननी आ: चाव ओताज्याव  
ओल्यो लिन्या चेतैद जे ब नोराए  
माँ:ती जेयुँ सुहुप्यो।

परमेस्वरए ओपैज्याव पुजा

८येसु ख्रीस खर्क ज़ मातोसिए,  
ड़ादा किताव ओल्यो आज्याल ब  
हिताव ज़ लिज्या। ९है जैद भाँती  
भाँतिलाव छुतनी यारापैज्याव पाँरादा  
ताबाच्यो। परमेस्वरलाई चरै:द  
ज्यान्या ज्यावए गेयुँलाई छैंव माजैव,  
ननी ओफाइदा ज़ माले। युँलाई छैंव  
जैज्याव ते परमेस्वरए उयुँ गराँद दाद  
ओयासिउनी वाज़ ताज्या।

१०गेस तोबो थान लिज्या। नो  
थानताव चरै:सिउ पाथा परमेस्वरए

ओसेवा दोऱ्याव पुजारीराए ब कैन्या माताए। ११कानुननी ब प्रधान पुजारीए पाथाए उभी लाँद पाललाव प्राइँरानी चोखो पोल पसिद मिँराए यापापए जूँनी नो भी चरैःद ओराएऱ्याव। नो पाथाए ओक्याँलाई ते सहरकिन पाखाड लाँद यासघाऱ्याव। १२हिताव ज़ येसुए मनी उभी सोभोद गे मिँरालाई गेपापनी रास्द परमेस्वरस सखैँन्याए जूँनी सहरकिन पाखाड उजिउ चरैःदचासिक्यो। १३है जैद गे मनी सहरकिन पाखाड ओल्योदा बाद ओल ओदैव मिताव बीज्यात सहिउ ताके, १४काराव ल्यो ताकिन गे आव मानुवाताव जाँवा पै वाज़ खासिद गेलिऱ्याव पोकिन एकतार लिन्या पो खिमन्या लिऱ्या।

१५है जैद येसुए दाद ओयासिउए परमेस्वरए उमिन सघयोःदचाद एकमन्या धन्याबाद गेचरैःया। नो चरैःन्या आव ज़ — उगुन मामेःद उमिन हाइन्या। १६सोनो छुतलाई समारिन्या, छुतलाई यान्या ब तामेःच्यो। नितावनी ब परमेस्वरलाई चरैःऱ्याव मिताव ज़ ताऱ्या। ननी ज़ परमेस्वर खुसी ताऱ्या।

१७जेलोम्बाराए याधूँल लिद होराए यापाँ भैःच्यो। किताव हिसाप दाऱ्याव

मिँए हिसाप सुदुमो परिऱ्या, हिताव ज़ नोराए ब परमेस्वरए ओबगालरानी 'तोबो ब तामारक' लिद जेलाई बनै धामास चिऊचिऱ्यार। है जैद नोरालाई यानाल केःदचान्या येन ताताक, खुसी जैन्या येन ओताक। यानाल केःद जेराएकिन जेलाई काता फाइदा ज़ तान्या माले।

### गेजूँनी पोंखारिदचासिच्यो

१८गे गेजूँनी ब पोंखारिदचासिच्यो। गे प्राइँनी ज़ साचो छैँव येन वाज़ दोव गेपैँऱ्या। आःपै ते गेदोव भरित परमेस्वरए ओऱाक गेयुँ छैँव ज़ लिऱ्या लिद गेयुँ हुबो ज़ लिऱ्या। १९खाली डा जेल्योदा चाँदो ज़ हुव डापैँऱ्या। होए जूँनी जे काचाबुल पोंखारिउ ताके।

### जेलाई परमेस्वरए ओअसिक ओताक

२०युँ होलाँ जैदचाऱ्याव परमेस्वरए ज़ बेधाराए चाव यार्गे गावला गेप्रभु येसुलाई सिउनी सोचोइदचासिक्यो। नो ओज़ाए उजिउ भाःद उभी सोभोद ओयासिउनी खर्क ज़ माखेमन्या गेत्याला ब जैदचासिक्यो। २१अब ते ओल ओपैँऱ्याव मिताव येन दान्यात

सरजाम जोरैद ओयाचिउक। ओज़ा  
येसु ख्रीसए ओसक्तीनी उयुंलाव  
मिताव ब ओजैचिउक। ओललाई  
खर्क ज़ माखेम्न्या ज़गै मगैव ज़  
ओताक। आमेन।

### तुपैन्या पाँर

२२अ डानैँ डामेर, जेलाई सा हाइन्या  
पाँ छ्या वाज़ सर्द नैद डायचिए।  
जे आव पाँत ज़ धिद लिच्यो

लिद डाबिन्ती लिज़्या। २३आःपै  
जेमासैँताखेहो, गेभाइ तिमोथीलाई  
भ्यालखानानी रास्द नैर। नो आल  
चाँदो उहुकिन, डा नोस तखेप  
डाहुरिज़्या। २४जेलोम्बार सोनो  
परमेस्वरए छैँव उमीं भरिरालाई जेरो  
है यारादोच्यो। सोनो इतालियालाव  
गेनैँ गेमेराए ब जेरो है दाचिज़्यार।  
२५जेल्योदा परमेस्वरए उयुँ ओगराँक।  
आमेन।